



## **GRAD TUZLA**

Na osnovu tačke VII Pravilnika o utvrđivanju kriterija i postupka za dodjelu sredstava na ime učešća Općine Tuzla u razvoju primarne poljoprivredne proizvodnje ("Službeni glasnik Općine Tuzla", broj 04/14), Služba za razvoj, poduzetništvo i društvene djelatnosti Grada Tuzla objavljuje:

### **JAVNI POZIV za predaju prijedloga projekata u okviru namjenskih sredstava Budžeta Grada Tuzla za 2015. godinu, za podršku razvoja primarne poljoprivredne proizvodnje na području grada Tuzla**

#### **I. Predmet javnog poziva:**

Javni poziv usmjeren je prema nevladinim organizacijama (udruženjima), poljoprivrednim zadrugama, registrovanim na području Bosne i Hercegovine, s ciljem apliciranja projekata iz oblasti razvoja primarne poljoprivredne proizvodnje na području grada Tuzla.

Projekti koji se kandiduju trebaju biti u skladu sa ciljevima iz Strategije razvoja općine Tuzla do 2026. godine i Smjernica za unapređenje procesa ruralnog razvoja, u sljedećim prioritarnim oblastima:

- razvoj održive poljoprivredne proizvodnje,
- pružanje podrške poljoprivrednim proizvođačima u edukaciji, animiranju za bavljenje poljoprivrednom proizvodnjom i podizanju nivoa tehnologije u poljoprivrednoj proizvodnji,
- promociji poljoprivredne proizvodnje i osiguranju.

U Budžetu Grada Tuzla za 2015. godinu, obezbjeđena su sredstva za projekte podrške razvoja primarne poljoprivredne proizvodnje, pozicionirana kao:

1. Kapitalni grant za razvoj primarne poljoprivredne proizvodnje, u ukupnom iznosu od **100.000,00 KM.**

Iz ovih sredstava podržat će se projektni prijedlozi čije se aktivnosti odnose na uspostavljanje novih poljoprivrednih kapaciteta i to kod proizvođača koji prvi put pokreću proizvodnju, kao i kod proizvođača koji se opredijele za proširenje poljoprivrednih kapaciteta, a s ciljem razvoja poljoprivrede na cijelom području grada Tuzla, u funkciji povećanja proizvodnje hrane, stvaranja novih prihoda.

U konceptu razvoja kapaciteta u oblasti primarne poljoprivredne proizvodnje, akcentat je na sljedećim vrstama poljoprivredne proizvodnje: plastenička proizvodnja povrća (nabavka plastenika standardne kvalitete), voćarstvo (podizanje novih nasada voća, a prioritetno nasada

maline, te ostalog voća jagode borovnice, kao i visokostablašica - orah, jabuka, šljiva, kruška), stočarstvo (nabava steonih junica) i povrtlarstvo (proizvodnja krastavaca kornišona), te funkcionalno opremanje zadruga, koje predstavljaju bitan infrastrukturni kapacitet za unapređenje uslova u primarnoj poljoprivrednoj proizvodnji.

Dakle, ovim sredstvima će se podržati projekti koji će obuhvatiti korisnike na cijelom području grada Tuzla, a koji se odluče za nabavku novih resursa, u proizvodnjama koje su u fokusu zainteresiranosti Grada Tuzla.

## 2. Tekući grant za razvoj primarne poljoprivredne proizvodnje, u ukupnom iznosu od **50.000,00 KM.**

Iz ovih sredstava podržat će se projektni prijedlozi čije se aktivnosti odnose na različite oblike i spektar podrške za proizvođače koji imaju već uspostavljenu proizvodnju, za koje je neophodna podrška u cilju očuvanja dostignutog obima proizvodnje i uspostavljenih kapaciteta kroz ranije programe podrške Grada Tuzla. To podrazumijeva nabavku repromaterijala u svim oblastima identifikovanim kao prioritarnim za intervenciju u smislu očuvanja dostignutog nivoa proizvodnje, stručno praćenje, pokrivanje troškova police osiguranja poljoprivredne proizvodnje, kamate na poljoprivredne kredite, participaciju u troškovima plasmana i unapređenja plasmana proizvedenih količina, promociju domaće proizvodnje i slično.

**Grad Tuzla zadržava pravo da sva raspoloživa sredstva planirana na gore navedenim pozicijama ne rasporedi i dodijeli za kandidovane projekte, u slučaju da kandidovani projektni prijedlozi ne zadovoljavaju zadane kriterije.**

**Dužina trajanja, odnosno period implementacije kandidovanog projekta može biti najkasnije do 31.12.2015. godine.**

Osnovu za izradu projekta predstavljaju potrebe i interesi proizvođača, što je moguće sagledati koristeći raspoložive i dostupne informacije u procesu konsultacija sa udruženjima poljoprivrednika koja djeluju na području grada Tuzla, a koja prate, analiziraju i zastupaju potrebe proizvođača-svojih članova.

Također, u Službi za razvoj, poduzetništvo i društvene djelatnosti dostupni su obrađeni podaci o potrebama i interesima poljoprivrednika i građana Tuzle, koji su iskazani anketiranjem građana, provedenim u toku mjeseca februara tekuće godine.

Ukoliko je potrebno, moguće je obratiti se i za dodatne informacije i podatke u procedurama konsultacija u ovoj Službi.

U skladu sa Pravilnikom o utvrđivanju kriterija i postupka za dodjelu sredstava na ime učešća Općine Tuzla u razvoju primarne poljoprivredne proizvodnje (u daljem tekstu: Pravilnikom), između kandidovanih prijedloga projekata izvršiće se odabir projekta čije će se aktivnosti, odnosno realizacija, podržati iz namjenskih sredstava planiranih Budžetom Grada Tuzla za 2015. godinu.

Zainteresirani subjekti za učešće u ovom Javnom pozivu-aplikanti, potrebno je da projektnim prijedlogom obuhvate što veći broj individualnih poljoprivrednih proizvođača, analizirajući pri tome prijedloge udruženja koja u krajnjem zastupaju potrebe poljoprivrednih proizvođača, kao i potrebe registrovanih fizičkih i pravnih lica koja djeluju u oblasti primarne poljoprivredne proizvodnje, a u cilju što sveobuhvatnijeg i kvalitetnijeg zadovoljavanja interesa i potreba poljoprivrednih proizvođača (krajnjih korisnika).

## **II. Pravo učešća:**

Učešće u ovom Javnom pozivu je otvoreno, na jednakim osnovama, za sva formalno registrovana nevladine organizacije (udruženja) i poljoprivredne zadruge (u daljem tekstu: Aplikanti) sa sjedištem na području grada Tuzla, koji aktivno djeluju na pružanju podrške poljoprivrednim proizvođačima i koji se općenito bave razvojem poljoprivrede, te stvaranjem uslova za razvoj i unapređenje poljoprivrede kao bitnog faktora lokalnog ekonomskog razvoja, a koji imaju odgovarajući stručni kadar, materijalno tehničke i ostale kadrovske pretpostavke za izradu i implementaciju projekta koji će, s aspekta projektnih aktivnosti i područja implementacije biti sveobuhvatan, odnosno koji će obuhvatiti proizvođače sa cijelog područje grada Tuzla i u svim oblastima poljoprivrede u kojim će se realizirati programska podrška.

Aplikanti mogu biti sa sjedištem izvan područja grada Tuzla, ako su formalno registrovani u Bosni i Hercegovini, ako je realizacija konkretnog projekta od interesa za grad Tuzlu i realizovat će se na području grada Tuzla.

**Svi zainteresovani aplikanti detaljne informacije o uslovima apliciranja i kriterijima za odobravanje podrške mogu pronaći u Smjernicama za podnositelje projekta, koje su dostupne u okviru ovog Javnog poziva.**

## **III. Preuzimanje dokumentacije:**

Dokumentacija za prijavu na Javni poziv može se preuzeti odmah po objavljivanju javnog poziva, tačnije od dana **04.06.2015. godine**, slanjem zahtjeva sa nazivom zainteresovane organizacije na e-mail: [nevresk@tuzla.ba](mailto:nevresk@tuzla.ba) i [dijanad@tuzla.ba](mailto:dijanad@tuzla.ba) ili lično preuzimanjem u Službi za razvoj, poduzetništvo i društvene djelatnosti Grada Tuzla ( glavna zgrada Općine Tuzla, II sprat, kancelarija broj 229).

Sve potrebne informacije i elektronska verzija cijelog paketa prijavnice dokumentacije može se naći i na službenoj internet stranici Grada Tuzla: [www.tuzla.ba](http://www.tuzla.ba) .

## **IV Predaja aplikacija:**

Prijave na Javni poziv na propisanom obrascu (sa kompletnom zahtjevanom dokumentacijom), u zatvorenoj koverti, potrebno je dostaviti u Pisarnicu Grada Tuzla ili poslati preporučenom poštom na adresu:

**GRAD TUZLA**  
**Služba za razvoj, poduzetništvo i društvene djelatnosti**  
**Ulica ZAVNOBIH-a broj 11**  
**75000 Tuzla**

sa obaveznom naznakom: „**Za Javni poziv za predlaganje projekata iz oblasti razvoja primarne poljoprivredne proizvodnje na području grada Tuzla za 2015. godinu - Ne otvarati prije zvaničnog otvaranja**“

Javni poziv je otvoren **15 dana** od dana objavljivanja, odnosno **zaključno sa 18.06. 2015.godine**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Nepotpune i neblagovremene prijave neće se uzeti u razmatranje.

O primljenoj pošiljci u Gradu Tuzla će se voditi uredna evidencija i izdavati potvrde o prijemu.

Sve dodatne informacije o načinu i postupku učešća u Javnom pozivu mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035 307 380 i 307-413, te slanjem pitanja na e-mail adresu: [nevresk@tuzla.ba](mailto:nevresk@tuzla.ba) i [dijanad@tuzla.ba](mailto:dijanad@tuzla.ba) sa naznakom za javni poziv.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi sa njihovim prijedlogom projekta, u roku od 30 dana od dana zatvaranja javnog poziva.

Rezultati će biti objavljeni na web stranici Grada Tuzla: [www.tuzla.ba](http://www.tuzla.ba).